


上虞塘工紀略









上虞塘工紀畧敘

昔楚相雩野之渠芍陂渺其煙浪黃門鹿山之瀆楊  
埭鬱其黍禾沫水上流離犖之遺無改汴谿迴注景  
塢之法猶新崇安留琴鶴之名海陵櫟清白之頌大  
抵司牧其地各有勤民之肩雷行鼓磬雲集荷鍤權  
之所歸利斯溥焉然且邵伯之湖梁公之堰循名醜  
澤豔諸志乘者不多覲也而况遺榮家銜養素上樊  
江海非階闔之間閭閻豈戚屬之近而乃瘁身將事  
灑沈澹灾濤浪齧而益前風雨橫而愈出職非東郡

序

幾欲身填金隄事異宣防何惜家爲玉璧蓋嘗揆時  
度地而歎公之捍患禦災集事愈艱底績愈奇也夫  
充冀負海鷖耿瀕河一水爲災猶恍沈患若夫面江  
負海顧彼失此聯鱸鰲其一氣交螭蜃以雙煙駒隙  
之稽勤瘁十載螳穴之忽魚鱉百里此一難也寒茭  
迅流捷竹河上自來瓠子之塞具仗水衡之錢而是  
時青犢逞兵陸沈尤亟竭手文之富期濫塞乎泗淵  
毀乳穀之家思永填乎漢水此二難也况夫謗謠蠶  
起氛禳蝟集雷雨倏焉陵谷潮汐瞬其滄桑乃欲旌



席於萬派之險苞桑於廿年之久賈讓之策施之元成則疎酈元之經證以江淮則舛此三難也且夫中山壑鄰郟邑病國利一害十焉用彼相此地上連剡邑下通曹江兩水就平三州咸父鄣細侯之河潤福并京師鄭水工之渠成沃延秦國則澤流旁郡者大百日之澤宣尼所羞十年之計管子勿尙公置樓捍海築堂留耕集下濶於衆擊割上腴爲永祿自此偁山樹古長留甘棠之碑夏蓋湖澄不改沈棻之堰則功及百世者深河渠之書掬自司馬溝洫之志續於

序

二

孟堅古有其人今難爲役公著有塘工紀畧四卷具俯畚揭謂畧而益詳孽靖龍蛇雖紀而實志蓋至麻叔開河之記翻成有用之書楊林籌海之編永溥仁人之利則利賴更無紀極云又竊有異焉者夫堂崇七壁早符鍾離之名塘募千錢已兆婆留之跡公半生修築經始連字以底於成然則渡號蕭家渠名薛氏宜乎公之躬腴胼胝家事不啻也今令嗣某某昆季斧藻其德漸蘭於躬芬誦益清德食愈舊他日者沈啓吳江之攷校自賢孫皇甫峽水之篇埒於若考



不尤賅備也歟

光緒二年歲次丙子七月既望南皮張之洞序

序


三



泛海塘隄圖







上虞前江後海江塘六千六百二十六丈碑碣三百  
 三十二號海塘四千七百六丈六尺碑碣二百三十  
 六號計程九十里



上虞連公七十雙壽序

夫積陀移之齒貞旗翼之齡和神於景風植體於靈  
嶽覲金齒而逾固彭雪鬢其未秋亦曰曼齡實由天  
幸百年易騁一暝誰知何足算也若夫隱德後天修  
心逢吉虞廷德壽之應隋宮仁壽之年亦足以葆天  
龢甄靈貺金石流耀丹青承輝然而三世五世之量  
十載百載之名聲聞不流年華遂謝彭殤一也獨有  
大患大災必百世祀立功立言垂千載名思謝傳者  
過邵伯之埭誦范公者耕姑蘇之田此則河山所不

壽序

能蝕滄桑所不能更壽身者壽止百齡壽世者壽且  
千禩焉樂川連公浙右名門古虞望族奇璞耀采靈  
珠吐芒董仲綬之儒臬李德林之偉器振奇乎橫經  
之歲揜雅乎選儒之場已補博士弟子員非所好也  
小范之爲秀才有憂樂天下之志仲舉之植世範懷  
澄清一代之衷雖復魁柄不屬斧柯莫假而胞與之  
量施濟之方瘠已以肥人裕家以逮國謂夫天厚吾  
儕補兩間之缺陷誰爲宗子忍百族之顛連宋罕仁  
者之粟樊重君子之富庇人厦大護世城隆謂足以



頌耆齡介茂祉也乎而未然也虞邑負海面江倚塘  
爲固咸豐之季百圯一存樓櫓濤瀾人物蛟蜃一隄  
螳潰數縣魚爛公也手奠江河身爲隄岸蓑風笠雨  
寢濤臥波冬則膚層冰焉夏則浴暑雨焉夜潮響月  
則萬火星馳秋浸稽天則千石雷轉蛟鱔競識其顏  
面子姓亦嫻於波濤白馬趨趨退銀瀾三舍而外宛  
虹蚴蟉屹金隄萬丈之間乃復瓠子宮成甘棠碑立  
公之壽不且與偁山永峙曹江長流也哉邑之經匪  
擾也堂皇埃蕪宮牆侈剝鐘虞列於禾黍車服鞠於

壽序

二

園蔬公乃拓其址基崇其梁桷刪紅桃李補綠芹茆  
宮兩楹而倒茄碑三體而剔蘚百年版築兔葵燕麥  
之譏一代冠裳瀾帶唐巾之位踐俎豆其有序爛巾  
卷以充庭自是而公壽貞於翟碑牢於宣鼓矣虞民  
自歷兵塵重以水厄雁鴻哀野蛇豕交途公爲置敬  
睦堂義產飢者餉粟病者捐金片念春風一方膏雨  
推曼卿之麥活及萬人販東吳之秬餼夫百室封椿  
米好散陳紅於十年續命田腴增鄭白於十頃蓋自  
義田勦而公所以壽斯民者人忘歉歲村罕窮閭爲



不朽也至於田氏荆枝韋家花樹魯連與人解紛難  
應詹與友共苦甘酬人及一瓜之施自奉甘三韭之  
饌桑東術妙橘裏談深此在人爲媿譚而於公非至  
者宜其裕宗猷恢庭誥濟南有子六龍雲興半千之  
孫十龜玉列而令子少初昆季顏溫玉尺度叶珠繩  
黼藻九流琴箏六藉將以三月之吉恭稱雙壽之觴  
德配陳氏孺人蘭白威姑蓮紅相府良妻以勤儉修  
職雋母以慈仁爲懷臨也得奉瑤觴有慚銀管聊陳  
耳食用佐手仇欣 紫誥之方來進 黃封而介壽

壽序

三

堂同五代知純嘏之方輳功在千秋錫遐齡於無極  
同治十三年歲次甲戌孟春下澣年小姪鮑臨拜撰



候選訓導光祿寺典簿連樂川先生行狀

先生諱仲愚姓連氏樂川其字也世居上虞之湖頭村曾祖雄飛祖彭年四川忠州直隸州父聲佩候選通判公少負大志自習舉子業卽以咕嗶爲恥應試輒冠軍補邑諸生兩應秋試非其好也居恆謂人男兒自有真事業大則康濟天下否亦澤及一方安能丐筆硯希出身哉公性儉素不事家人生產自廢讀致千金者屢矣然施予輒罄其貲人以急告雖匱乏必摒擋應於寒士尤極恩意累歲賑饑荒恤癘獨解

行狀

紛排難不自暇逸而半生心力江海防尤利賴焉古虞負海面江東連餘慈鄞西毗山會蕭先後倚塘爲固而後海自道光季年海水南趨咸豐三年迅漲嚙隄幾盡寺前村一帶危甚堵修連日夜不止而江塘連決三口羣情駭顧不知所爲時軍需浩大請帑維艱攝令林公鈞請款五千緡倚公督理公由此東西奔馳無息晷矣自公任事督修海塘險工自查浦村連字起至金劉馮村楹字止計八十二號四年夏搶修鼓字決口十六丈補建石塘七年七月後海颶



風堵修查浦懷字漾蕩庵筵字各塘一律堅厚此公  
興修海塘之大畧也曹江自道光三十年秋潮迸迅  
橫決塘口十七處公寢食工所年餘築復聖恩寺珠  
稱夜等塘四十餘丈錢庫廟師火等塘三十餘丈又  
補柴土塘一千二百餘丈並加修老塘民慶更生焉  
咸豐三年伏汛搶修後木橋呂調字章家村章愛字  
呂家埠良知字決口三處五年七月山水驟漲西風  
乘之沙牆塘根盡陷公督率塘夫夾水堵築復邀集  
農人千餘防管居民盜決之弊七年勦修臨江大牆

行狀

二

自五月之七月工未就而狂風驟雨江流迅奔海潮  
逆上直攻懸沙新牆及孫家渡官塘公亟集夫堵孫  
家渡命其子守懸沙九月大牆成計工長三千六百  
丈次年乃改建石塘一百七十餘丈時匪擾矣復勉  
立孫家渡坦水椿八十餘丈賊退乃畢功同治四年  
築復呂家埠過必改得能莫六號王家壩用軍最天  
四號沈塘及後郭韓煩字決口三十六丈五年夏復  
培修老塘五百餘丈又建賀家埠慶尺壁非柴工八  
十餘丈凡此皆險大工程其餘歲歲修堵詳紀畧中



勿贅也此公防理江塘之大概也公又念潮汐無常不能不爲久遠計集同志二十六人首割腴田百畝爲剏先後得田三百畝立石孫家渡爲管塘會又於渡口築捍海樓十餘楹中祀潮神爲工上休息之所計公在工二十餘年殫思竭慮眠籌夢策於一萬一千餘丈之間遠聞風濤輒竟夜彷徨風霜寒暑疾病之不顧惟以生民爲念厥功偉矣而隻身障江海耗公家錢不滿萬古人謂毀家紓難非公孰當之乃自兩隄鞏固各屬慶安瀾而我公亦已老矣公在暮年

行狀

三

益孳孳力善嘗置敬睦堂田五百畝以周本村貧戶除壯丁外每口歲領二千文貧戶之鰥寡孤獨以熟米養之逢月朔族人給斗五升雜姓一斗佃農貸米則春借秋還至匪擾後學宮坍塌從邑宰請重建大成殿及各官署皆經理之公卒由是勞勩成疾同治十三年三月遂不起距生嘉慶十年得年七十娶陳氏子六茹副貢生候選內閣中書芳候選州同萼藻荇俱國學生蘅優廩生孫十一入邑庠者三人曾孫一著有塘工紀畧四卷行世烏程汪曰楨謹狀



皇清敕授徵仕郎光祿寺典簿銜候選訓導連君墓  
志銘

濱東南皆海也而吾浙海濤異他處衍溢漂疾易爲  
患朝廷歲糜金錢以巨萬計築塘捍之海水猶或齧  
入蕩田廬凌岡壟然則塘工尤要哉余於咸豐末避  
地上虞之查浦其地負海而前臨曹娥江土人謂之  
前海後海前後皆有塘塘工險要爲浙東最父老每  
爲余言樂川連君從事於江海兩塘者十餘年吾儕  
至今安全者連君之力也余固已知君之爲人至光

墓志銘

緒二年君之孤以君事畧乞銘其墓則君已古人矣  
按事畧君諱仲愚樂川其字也上虞人曾祖雄飛祖  
彭年四川忠州直隸州知州父聲佩候選通判君自  
幼爲忠州君所奇撫其背曰可兒可兒異日興我家  
者此子也及應童子試冠其曹然君不屑爲科舉之  
學友於兄弟厚於本支信於朋友其器識之宏學養  
之深言行之篤實材幹之優裕事畧所載未得其十  
一余無以言也舉其一瑣事云兒時偶大嘯隣人趙  
叟抱至瓜田摘一瓜予之乃喜爲之笑六十年後追



念此事買田二畝與其孫爲趙僂祭田卽此一事可見君之爲人矣君生平落落大者在前江後海兩塘上虞之西鄉曹江在焉其上爲新昌嵯縣萬山重疊衆流奔赴下接大海潮汐洶涌而乾隆以後外來流民盜種山場每逢大雨山中泥沙隨流俱下溪河先淤而江身亦日以高江高而水大水大而塘危道光三十年秋八月霖雨連日風潮大作決大口十有七布政使汪公臨視借庫銀三千兩命知縣張公致高修築之張公以屬君君寢食於工次者一年有餘而

墓志銘

二

十七決口皆合咸豐三年海水逼塘下護沙不盈十丈而江塘適又決大口三權知縣事林公鈞議築決口及修前後塘又以屬君君自是奔走於前江後海無暇日矣君以爲善治病者必治病之所自來善用兵者必不使敵臨城下於是有創修臨江大牆之舉牆成凡三千六百丈而其內土塘有重關之固於是首險次要各工乃得次第經理而賀家埠柴塘厥工尤鉅先是塘之最險者曰孫家渡爲江海互激之區其後因孫渡嚴守無可乘乃移而衝突賀家埠海潮



西上江水東下激而怒起高過於塘塘內一河之隔  
皆民居也地形局促不能加廣卽無可增高君乃議  
築柴塘八十餘丈以分水勢至今賴之然君之言曰  
水勢遷移不定則隄工夷險無常安知今日之次要  
非異日之首險孫家渡賀家埠其明徵也而後海石  
塘歷年旣久日就傾圯數百里民命全係於此每至  
塘上輒徘徊不能去同邑有邵培福者感君高義創  
設管塘會君甚嘉焉命其會曰衆擎倡捐田百畝入  
會中鄉里慕義者咸附之先後得田三百畝歲入其

墓志銘

租以供修築之費君以孫家渡爲全塘扼要之地卽  
於其地建別業一區藏皮書籍禱蒔花木顏其堂曰  
留耕山房平時養老於此有事卽爲公所其中有所  
謂捍海樓凭欄而望則江海形勢皆在目中君雖老  
且病猶可於此中卧而治之孰意樓成而君旋卒也  
君卒於同治十三年三月二十日年七十歲上虞縣  
學生候選訓導加光祿寺典簿銜配陳氏生丈夫子  
六人茹副貢生候選內閣中書芳候選州同萼藻荇  
俱國學生蘅優廩生孫十一人入邑庠者三人曾孫



一人君所自著者塘工紀畧四卷都凡海塘四千七百六丈江塘六千六百二十六丈皆君手所規畫故言之甚詳余刺取其事銘君墓又附敬睦堂條規則以贍族黨鄰里之貧者連氏子孫所宜世守者也銘曰

庚辛之際道路荆榛君運於海以食飢民大亂初定百度一新凡百有爲惟君是詢功在黷舍利及民田君所措意尤在海濱經之營之垂二十年前江後海無役不親微君之力民其介鱗何以報之視彼後人

墓志銘

四

賜進士出身前翰林院編修河南學政德清俞樾撰



訓導連君傳

古之所謂鄉先生沒而可祭於社者非僅以教子弟興廉讓也本其肫然仁物之心由一家以推之宗族推之鄉黨以及於一國而其所施爲遂可爲後世永賴而國蒙其利嘗攷周官大司徒以鄉三物教萬民其二曰六行孝友睦婣任恤而不然者有刑其屬族師則書其孝弟睦婣有學者閭師則書其敬敏任恤者而鄉大夫三年大比攷其賢能而賓興之故朝有得人之效野無滯賢之歎後世鄉失其職鄉舉里選

傳

一

之法變而爲九品中正又改而爲科舉士之賢能特出者無由自見乃退而自力於鄉以展其效於國然朝廷終無以旌異之雖功行顯顯萬衆指觀亦止託於儒生之文字以冀或傳於後若上虞連君樂川者爲可慨也君諱仲愚世居上虞之松陵自少爲縣學生有聲然不屑爲科舉之學家世衣冠田廬殷賑內行全荀善無不爲而其一生所致力者在江海兩塘蓋松陵爲上虞之西鄉其地負海前臨曹娥江而承新昌嵯兩縣之下流山澗瓴注潮汐凌擊於浙東塘



工爲最險君孰悉利害銳身任事於道光三十年則有塞十七決口之役於咸豐七年則有築臨江大牆之役於賀家步則立柴塘以護之於後海之石塘則爲衆擊會以守視之又以孫家渡爲全塘扼要之地營別業其上建留耕山房及扞海樓蓋將終身焉於此而君亦旣老矣未幾遂卒蓋竭其財與力於塘而一息不自解亦可謂能捍大患以歿勤事者也然而宅里之表無聞配社之賑不及而所謂賢能之興者皆出不能效一官處不能善一事浚公私以爲己利

傳

二

而已嘗慨近世旣以至庸極陋之文取士相沿成格莫敢變議其不能得人亦夫人知之而無可如何至於賢良方正孝廉方正之舉本 朝廷之特典有無多寡非有恆例宜若可以得人而何以所舉者率多鄙詭險污偈名實而不顧求如君者蓋千百不得一焉下喪其真而上受其弊此論世者所爲太息而不已也以君之所爲於周官六行無不荀而彼之所謂恤者不過振憂貧者耳蓋其時溝洫滄川之制畫然一定所以固隄防而時蓄泄者上之人無不以爲先



務自遂人而下官盡其力無待於民亦以事之難者不敢以期之人而賢能之所書不過振恤而已也然則如君者使得生於其時其設施又何可量哉君以援例候選訓導加光祿寺典簿銜生於某年月日卒於某年月日年七十曾祖雄飛祖彭年四川忠州直隸州知州父聲佩候選通判娶陳氏子六人茹同治丁卯副貢候選內閣中書芳候選州同萼藻荇俱國子監生蘅優廩生孫十一人爲諸生者三人君之規畫塘事編脩俞君樾爲墓志言之已詳故述其大要

傳

三

其他義行亦弗之及著有塘工紀略四卷敬睦堂條規一卷

李慈銘曰事非知之難行之難士夫平居議論視天下事無不可爲及當之鮮有不撓者歲乙丑越中大水西江塘大決余時里居郡守高君強之治塘余始視地形籌土石薪木之費以爲事可立辦旣而吏之老而悍者掣其權民之獷者梗其議冒利者競進嫉忌者力構衆口跼騰危欲敗而懼免始歎任事之才不易而鄉里爲尤難也比十餘年浙吏大治仁和海



甯兩境海塘歷巡撫已四政糜帑金至七百餘萬而  
事猶不集海甯尖山之塘浙西僦最險與上虞之江  
海塘比者也官吏道謀未知所措安得起君而詢之  
哉

傳

四



上虞塘工紀畧卷一



古虞連仲愚樂川氏

後海塘

上虞負海爲邑西北維夏蓋山危峯峭壁屹峙沙濱山之北古稱海門波濤洶涌潮患頻仍塘堤沿革遠莫能稽相傳元至正明洪武間絜石爲塘民皆有謠以頌有司夏泰亨謝肅有記歲久沙積石沉居民培塘以土力不足以禦海潮久矣山之南方數十里一片汪洋因山得名謂之夏蓋湖爲潮汐往來之所至

塘工紀畧卷一

一

今近塘地方尙有大漾蕩小漾蕩皆海潮之所嚙也康熙戊午海嘯颶風大作漂沒廬墓田疇不勝計

雍正

嘉慶年間夏蓋湖前後陞科三萬畝以抵冊沒田糧戊午潮患已可想見餘姚慈溪兩縣

俱遭淹浸連年告災告溺庚子總督覺羅滿公保巡撫朱公軾知府俞公卿奉命建造石塘工長二千

三百餘丈縣志載雍正二年東西兩頭土塘坍塌甚多尙書朱公軾巡撫法公海議將塘底填築亂石上鋪條石具奏又載三年知縣虞公景星請項築石自兩鄉石塘先後告成餘上兩縣永無北潮之患而夏



蓋湖漸高遂成沃壤蓋石塘攸關數百里民命 國

家恩及百姓若是其厚且久而諸君子建造之功不

其偉歟仲閱石塘上虞境內自纂風學字號起至烏

盆濟字號止工長四千七百六丈六尺碑碣二百三

十六號碑立塘上海對岸爲海甯州卽古之鹽官縣海鹽縣宋史

河渠志載嘉定十二年潮失故道鹽官縣南四十餘

里盡淪於海 國朝張維赤疏言海鹽兩山夾峙潮

尤洶涌昔之縣治已沒海中蓋嚙而進者七十餘里

其土多漲於紹興府屬我虞塘外至海濱沙地三四

塘工紀畧卷一

二

十里不等漲久沙堅鄉人築圩植木棉閱六十年仍

倒於海滄桑迭爲循環道光二十三四年以後潮水

南趨海循故道至咸豐三年直逼塘下護沙不盈十

丈寺前村一帶尤爲近海亦甚危矣仲目睹潮汐衝

激而塘堤久不修理土餞處處漏洞鹹潮灌進近塘

田畝不能種植危在旦夕適會前江塘於是年六月

二十三日衝決大缺口三處居民疾痛顛連不堪言

狀若海塘再復成患鹹潮氾濫是無餘上兩縣也竊

不自揣雇募夫工身往堵禦猶河濱之人捧土以塞



孟津時江塘缺口詳報大府因軍需浩繁奏請 帑  
項須緩時日林公鈞權篆上虞正值江塘開口海塘  
危險創捐錢二百緡旋稟大府於捐輸欸內劃錢五  
千緡將以築復缺口並修理前後塘與 仲相商 仲以  
海逼塘腳潮衝塘身節節漏洞其大者濶數丈石塘  
孤立而沙壅江流柴工失修椿朽薪爛坦水更屬年  
久魄石滾失坦椿敲斜統估工程所費不貲區區劃  
欸未敢肩任家大人詔 仲 以保衛桑梓從此東奔西  
馳力障險塘於今十年矣先是宰上虞者爲張公致

高深悉海塘危急稟請加修統塘大府以 帑藏支  
絀飭先報首險於是張公刪除次要將首險工程自  
查浦村東首連字號起至金劉馮村楹字號止稟報  
八十二號在案 仲 接手後低塌者增高仄狹者貼濶  
坍卸者修整而工費最大在兜底漏洞其數甚多必  
須兜底翻做凡經修首險一載有餘張公以修築前  
後塘所費甚鉅憫 仲 之獨力難支也先後捐錢九百  
緡夫不惜已資以贍百姓之急樂只君子民歌舞之  
矣當是時江塘工程緊急夫工不敷祇有將海塘次



要暫緩俾得專力於江塘詎咸豐四年閏七月初汛

東北風大作水立雲飛初五日黎明衝決未修之鼓

字號缺口十六丈

落地漾蕩菴小有漏洞竟致疏虞所謂以蟻穴而成滔天之勢也咎

在仲專力江塘無暇兼顧海塘翻修稍遲竟致決口噬臍何及○幸而首險八十二號俱經修復不然禍

豈可勝言鹹潮奔赴急於塘外用半草半土搶作燕子窩

潮退趕築潮漲停工迅速造就雖決口不為災次年

正月開工將缺口補建石塘三閱月告竣

家大人命仲弟兄輩

按畝捐錢二百四十緡馮安瀾暨侄奎捐錢二百緡王蔭捐錢一百六十緡為築復缺口之經費鑒

於前車不敢少息續修次要工程至咸豐五年冬季

塘工紀畧卷一

後海全塘完工而沙地亦於數年間漲起繼張公者

為劉公書田素來留心水利見仲馳驅南北力不勝

任為捐洋銀二百番咸豐七年七月望汛大雨如注

山水旺漲前江塘萬分危急正在竭力堵禦

事詳江塘紀畧

中而後海颶風大作狂潮怒發雷擊電奔衝通查浦

村懷字號漏洞一个漾蕩菴筵字號漏洞两个急用

黃草堵塞幸不潰決

此番風潮特甚海甯等處塘工多被衝決

霜降後翻

修自此統塘漏洞修淨一律加高而沙地遼濶潮來

勢緩可息肩者五十年是皆從前造石塘者之豐功



偉績俾後之人有可繼修而林張劉三君子謬相推  
獎蓋深以一方之民命爲重此情此誼不可忘也  
同治元年歲次壬戌孟秋上浣謹記



上虞塘工字號冊底

後海塘纂風學字號起至烏盆濟字號止石塘四千七百六丈六尺字號二百三十六个

學字號

石塘二千丈

優

以下俱係石塘

登

仕

攝

職

從

政

存

以

甘

棠

去

而

益

詠

樂

殊

貴

禮

別

尊

卑

上

塘工紀畧卷一

六

和

下

睦

夫

唱

婦

隨

外

受

傳

訓

入

奉

母

儀

諸

姑

伯

叔

猶

子

比

兒

孔

懷

兄

弟

同

氣

連

枝

交

友

投

分

切



舍 綵 飛 盤 據 邨 西 邑 爵 持 物 眞 動 靜 義 次 慈 磨

傍 仙 驚 鬱 涇 面 二 華 自 雅 意 志 神 情 廉 弗 隱 箴

啟 靈 圖 樓 宮 洛 京 夏 縻 操 移 滿 疲 逸 退 離 惻 規

甲 丙 畫 觀 殿 渭 背 東 都 好 堅 逐 守 心 性 節 造 仁



帳 筵 瑟 階 轉 通 達 集 聚 橐 書 羅 俠 封 給 冠 轂 祿

對 設 吹 納 疑 廣 承 墳 羣 鍾 壁 將 槐 八 千 陪 振 侈

塘工紀畧卷一

楹 席 笙 陛 星 內 明 典 英 隸 經 相 卿 縣 兵 輦 輦 富

八

肆 鼓 陛 弁 右 左 旣 亦 杜 漆 府 路 戶 家 高 驅 世 車



駕 功 碑 溪 時 宅 旦 公

肥 茂 刻 伊 阿 曲 孰 匡

輕 實 銘 尹 衡 阜 營 合

策 勒 礮 佐 奄 微 桓 濟

石塘六丈六尺止  
以下接餘姚塘



塘工紀畧卷二

古虞連仲愚樂川氏

前江塘

上虞西鄉濱臨曹江江上連新昌嵯縣萬山重疊衆  
流奔赴下接大海潮汐洶涌迴環衝激未知塘堤始  
於何時志書所載江塘畧而不詳且甚有牴牾仲繙  
縣卷多係逾限柴工稟報請修今又焚燬一空塘工  
冊底僅錄前後塘字號及柴土石塘坦水丈尺與碑  
碣相符餘無可考仲經修塘堤至今十有三年日不

塘工紀畧卷二

一

暇給未及論述夫塘工關係民命後之居斯土者有  
志水利法禹之明德經濟學術百倍於予何俟下逮  
芻蕘然愚者干慮必有一得故曰狂夫之言聖人擇  
焉且念茲在茲十餘年精神所注亦不忍湮沒今老  
矣橫覽時世可爲痛哭流涕不得不撰次二卷凡水  
法之變遷沙地之坍漲塘堤之險夷工程之大小悉  
載諸茲以備後人之采擇前江塘上虞境內後郭王  
家壩天字號起至張家埠會稽上虞交界竟字號止  
又補豎碑號百官龍山腳綺字號起至後郭王家壩



最字號止工長六千六百二十六丈碑碣三百三十

二號碑立塘上其間柴塘一千二百六十丈土塘五千三

百六十六丈向來柴塘間段請帑歲修有保固限

期土塘雖有款可指徒存虛名從不修理低狹不堪

尤可怪者塘外沙壙十餘坵民築民修更屬不堪一

遇江水衍溢衝決沙壙近塘居民偷掘欽工移禍

江東所從來久矣當時虞民不甚痛苦者以進潮多

在秋汛湖田蚤禾收成而高田尙不被浸足徵從前

江底深水勢低先時江流通暢塘堤不甚危險偏歷年請帑今則無款可籌偏值江流

塘工紀畧卷二

二

淤塞海逼塘腳凡事如此胡可勝歎設有人出而經理其間則用力少

而成功大自乾隆年間南京人來奉化山中盜開山

場種植苞米從此新昌嵎縣鄉民轉相效尤貪小利

而忘巨禍每逢大雨沙隨水流溪河先淤沿江一帶

有田皆石以致曹江逐漸壅高夫江底高則水勢大

水勢大則塘堤危此不待明者而見也加以夷人滋

事此後請帑維艱有失歲修柴土兩工並置不顧

於是水有泰山之勢而塘有纍卵之危道光三十年

八月十三四等日烈風驟雨連宵達旦正值望汛怪



水狂潮吼奔而至形同馬駛聲若雷鳴天地改觀山谷響應塘內居民無不人人惴恐當是時風潮大作兩水怒激高過塘面一二尺不等節節坍塌潰決大缺口十七个先時惟決土塘今則柴工並決先時土塘多由盜決今則水高於塘并無待於開如聖恩寺珠稱夜三號缺口四十餘丈內外衝成深潭徑七十餘丈錢庫廟師火二號缺口三十餘丈內外衝成深潭徑五十餘丈其餘缺口二十餘丈及十餘丈不等又間段坍塌卸柴土塘一千二百餘丈高田水深五六尺漂散廬墓不可勝數餘姚慈溪兩縣

盡遭淹沒江潮為患伊古以來未有若斯之烈也布政使汪公本銓親到塘上以帑藏支絀借庫欸銀三千兩飭知縣張公致高轉交董事築復當時江塘業經敗壞決裂實有無可挽回之勢苦無身膺其責者仲以曹江年高一年塘堤日損一日若不大加整頓

頓是無塘堤也即無餘上兩縣也由是慨然不辭勞

怨上虞成案近塘內外取土向無例價先時官工不過歲修柴塘取土甚少遇有大水決口不過一二个每個潤不到十丈取土亦屬無多今則缺口大者潤數十丈內外衝成深潭且多至十七个大加築復取土多而且遠又加修老塘尤為居民所創見處掘田取土能無怨乎然經手十餘年掘損田地不下



千畝雖有怨言而不挑選督工董事四處與修仲寢遭大禍猶有天幸也

食工次總理其事築復缺口十七个格外高濶聖恩寺珠

稱夜三號缺口最大填潭築塘用土工不下一並加萬工極其堅固仲友邵培仁督工勤勞倍至

修老塘土塘增高貼潤柴塘僅加殫精竭慮者一年

有餘司出納者為仲友王養田當時工程浩大設局錢

用度則塘上加一錢工程頗有咸豐三年伏汛風潮

王外郎築海塘飲粥湯之風

競發上游大雨傾盆山水奔赴形同山岳六月二十

三日衝決缺口三个後木橋呂調二號向有漏洞咸潰章家村章愛二號因霪洞不結實而潰呂家埠良

塘工紀畧卷二

禦而潰不知者以江塘經仲修過仍不免衝決之患豈知曹江淤塞處萬難之勢若非前次加意增修則

全塘沉陷不可收拾矣湖田蚤禾高田木棉晚穫盡

僅開三缺非不幸也

被淹沒痛苦極矣而海塘潮汐衝激無處不滲漏大

有潰敗之象林公鈞權篆上虞捐錢劃款事詳海塘紀畧中

囑仲修復江海塘堤自惟才力淺薄未敢當此巨工

為之遲回者久之家大人以塘堤攸關數百里民命

且祖宗墳墓在焉詔仲勿辭伯兄汝愚在旁亦再三

敦勉兄天性仁慈憂人之憂急人之急幼年有失紅良可悲也○兄字省之長仲二歲平生以詩酒自娛

不知錢財為何物翁然有善人之稱奈歸道山已五



年矣撫今思昔能無泣然奉命之下敢不竭力以從事時海道逼臨塘腳風助潮勢撼擊難禦而後戩漏洞甚多其大者濶數丈鹹潮灌進倘一潰決禍同滔天此海塘工之刻不可緩也至曹江直接大海久矣沙壅江底水日高而塘日險每逢淫雨山水奔騰而潮邊江流互相鼓盪兼之對岸傅山虎蹲沙圖凸漲水勢北趨上激塘身下搜塘根而柴工失修後戩薄弱地勢深陷向來近塘取土塘內已成池蕩積水汪汪通年不乾非一朝一夕之故也夫水法之衝激天為之而地勢之空虛則人為之海甯等處塘工均此陋習其敗也將一蹶而不可復振悲夫後之修塘者慎毋蹈此覆轍

塘工紀畧卷二

五

也坦水多壞將成大患此江塘工之刻不可緩也夫以險要塘堤至一萬一千餘百丈之多而數千欸項隻手經修所恃惟天不避艱險一面趕修海塘於咸豐三年秋季興工至咸豐五年冬季告竣具載海塘紀畧中一面趕修江塘先築缺口較官工加高三尺加濶六尺次做柴塘料堅工實擇險要冊卸者造過後戩加濶兩倍從前凡柴塘後戩盡行加濶於十丈外取土前則取之於於遠前則取土少今則取填補空虛培植地勢地勢於遠前則取土少今則取填補空虛培植地勢勢高阜為第一義後戩之內挑高六尺挑創造塘臺後戩之內挑高六尺挑於此三致意焉濶八尺使後戩有可倚



靠名之日塘臺事 並修坦水次相度情勢 如聖恩寺

事與官工相反 家堰等處塘堤向為盜決之所必須格外高濶如前

江村之水玉出等號葉家埭之海鹹河淡等號兩邊

房屋塘堤低狹然而村中自相保護從不潰決所謂

情也塘堤有凹凸之分水法有頂衝緩衝之別所謂

勢也不知重修老塘 咸豐元年修過此番重修以期悠

可不知 久計兩次加修增高一尺起至五

六尺不等有不會貼濶之處有貼濶至兩倍三

倍之處工程最大者孫家渡塘面濶五丈餘尺與海

塘並時興工至咸豐五年夏季頗有就緒是年七月

望汛上游連日大雨山水旺漲值怒潮陡發阻江路

而拂其性水勢橫流自後郭至呂家埠裡外沙塘盡

行沉陷塘外水高一丈餘尺離塘面無多狂風猛浪

不可逼視以致葉家埭附近之光果珍三號衝卸官

塘半根勢甚危急 仲 激勵塘夫鼓勇涉水用半草半

土搶築邀天之幸竟不潰決然水浸滿塘六千餘百

丈風濤震盪凡險要之處均須堵禦又慮沿塘居民

舊習難除 仲 邀集高田及夏蓋湖農民一千餘人防

管三晝夜水勢較小始得保全是役也急水狂瀾塘

外浩浩瀚瀚宛如大海而塘內民田正當蚤禾收割

木棉將起之際並無滴水之漏當時耆老以為沙塘

圯壞而官塘竟得保全從未有也而 仲 經手塘工憂



勤惕厲奔走跋涉未有甚於此時者也地勢民田低

沙地又復裡坵低而外坵高沙壙一倒狂瀾迅逼官

塘勢不能往外瀉出沿塘居民救沙地目前之急以

鄰國為壑此掘塘之來由也沙壙低小仄狹從前江

底深水勢緩尚有衝決之患今則江底壅高水勢滿

溢其見水即坵事之可必者也且自後郭至呂家埠沙地

保守事之絕無僅有者也且自後郭至呂家埠沙地

不下二萬畝數千烟竈仰給於此若得堵禦大水則

良田美地反在民田而上暨乎沙壙沉陷一片汪洋

若無津涯其流離困苦之狀實堪憫惻况近年江流

淤塞洪水為災無歲無之增築沙壙尤為當今之要

務亟思變計作未雨之綢繆則保沙地者二萬而保

民田者數縣豈非策之最上歟奈沿塘居民因循苟

且不盡力於沙壙無可奈何則出於下下之策夫盜

決官塘不過使沙壙地早乾一句耳而於地上之花稻

仍無濟也而孰知數百里告災告溺其害有不可勝

言者吁可慨也○前江葉家埭施家堰三村聚族而

塘工紀畧卷二

居貼鄰塘堤每逢沙壙圯壞恐大水直衝廬舍於是  
作一舉兩得之計盜決村外官塘以保烟竈而使沙  
地蚤乾一句如聖恩寺珠稱夜等號錢庫廟龍師火  
等號施家堰鳥官人等號向係盜決之所地勢低陷  
內臨深潭反使開掘易於為力且同惡相濟雖甚難  
隙不肯漏言數十年來餘上兩縣疊遭水患竟不能  
問及盜決主竊意江塘工程首險則臨江柴工有潮  
名可勝歎哉

汝衝嚙椿朽柴莓之虞坦水有搜挖傾倒之慮次要

則近江土塘山水與海潮互激浸滿塘身有坍塌滲

漏之患具此數者業已疲於奔命矣加以壙內土塘

自後郭辰字號至呂家埠莫字號工長三千二百丈

居江塘之半即或分外高濶而一逢大水沙地被災



塘不決之於水卽決之於人無處不用防堵一人之精神其能周乎夫沙地遼濶坵墻重疊本可作唇齒之依今反因沙地而啟盜決之釁數十年來官塘開口多由居民開掘總在聖恩寺錢庫廟施家堰一帶積習相沿牢不可破彼愚民固然其無足怪而承修者亦不知深謀遠慮坐視數百里之災害且夫善治病者必治病之所由來善用兵者必不使敵臨城下修墻內土塘而不顧及於沙墻此楚囊瓦城郢之計也仲險過思險必欲計出於兩全於是創修臨江

大墻之舉斯時也咸豐七年也劉公書田宰上虞留

心水利與仲有同志用舉章三畏君住章家村習知水利屢邀集村民

修章家大坵及化旺坵而不愜意嘗畫坵墻圖數幅出入必攜以相隨指謂仲曰可惜此良田美地實有

啟仲之意今大墻告竣朱彰德君住懸沙屢苦大水無所不包君願亦慰矣嘗謂仲曰莫如統築

臨江一帶然工段甚長非其人不能舉也今大墻告竣所包者廣利人而已亦未嘗不利有志者事竟成也

為沙墻董事齊心協力定立章程外坵沙地每畝

派三工裡坵沙地每畝派二工不足之數由仲籌墊

仲時正修柴工顧後瞻前倍形竭蹶兒子茹住懸沙

之鎮海殿經理其間而章朱二董亦任勞任怨各盡



其力所苦人心不一多存私見罔顧大局以此見民

工之難也沿塘居民歷修裡坵塘圩大坵數千畝小

間有急公好義無從為力而況臨江大塘地多人眾尤難措手仲久擬修築所以遲至今日始議創修者誠畏其難也

並與百廢具舉七月十六日至二十三日颶風大作

驟雨經旬水發似箭濤怒如雷江流迅奔海潮逆上

以致兩水相鬪驟高一丈餘尺烈風又助之以為威

直攻懸沙新塘上沿有後郭坵下沿有化旺坵惟懸

數百丈江流及孫家渡聲堂習聽因五號東有王家

泗曲所致及孫家渡聲堂習聽因五號堰西有賀

塘工紀畧卷二

家埠惟孫家渡水勢突高六尺因蓋山潮交會懸沙

則山水之患居重孫家渡則海潮之患居重仲邀集

塘夫防堵孫家渡柴塘可以制潮而不能制風潮此

面柴咸豐二年以來孫家渡最為危險仲蚤經精神

專注用全力於聲堂等號其高濶為統塘第一雖水

勢突高幾臨塘面仲加築土埂防堵總不開口○惟

茅草塘可以制風潮趙村器欲二號雙墩頭悲絲染

詩四號向係柴工仲因水勢緩衝後戩加厚改為土

塘滿塘細桿茅草今水浸滿塘狂風猛浪震撼多日

而以及柔克剛毫無兒子督同做塘夫工防堵懸沙做

傷損附記於此興工稍遲則全塘沉陷貽禍無所不至危哉危哉兩

免災殃於是年九月完工加高一倍增濶兩倍東與



後郭塘辰字號接壤西與呂家埠塘莫字號接壤工

段三千六百丈保衛官塘三千二百丈一舉而三善

備焉沙地可免水患一也居民管塘人自為戰二也官塘不致開掘三也是役也興工

之際謠言四起若非劉公任人不疑始終成全未必

神速若此自大塘告竣塘係沙土風吹日曬雨淋水衝難免坍塌必須隔年加修

方可垂之永久咸豐七年以來歲有大水全賴此塘

作長城俾沙地得以豐稔前之怨者且轉而為感矣

今歲尤為得利較之民田不啻倍收率以修塘易而

於為力後之經手塘工者切勿置大塘於度外也

塘內土塘有重關之固兵其少弭仲始得專力於首

險及次要矣近江土塘工長二千一百六十六丈仲

前費重本大加修理業經兩次足資抵禦惟水勢湍

悍浸滿塘身之際既受衝嚙必多坍塌臨時重在防

堵事後必須增加十三年來每水浸一次仲必修整

一次自經手以來咸豐三年一次五年一次七一年

大雨山水旺發正遇秋汛海潮奔激至初四五日江

水漫衍竟臨塘面孫家渡等處加築土埂竭力抵禦

不至進水最險者後郭頗牧二號塘外舊有枯樹根

穿通塘底江水衝入內河勢甚危急仲親杜梅占邀

集該處居民用蔴袋盛土夾水堵築奈水勢已旺力

難保全適塘上有客米數十袋急不暇擇用米七袋

堵塞衝要之區得免潰決緣土見水則卸米見水反

漲以此獲全事由創造功出意外異哉過後凡坍塌

塘堤仲一培然工費無多猶可為也塘堤最忌漏

修特備載於此



有漏洞或野獸或樹根豈能處處防到凡見漏洞必須先時翻做切勿因循苟安此第一要緊不可失也○此等塘堤不常浸水得能種滿細桿茅草雖遇風潮猶可守也○此就塘外有沙地者言之惟水法變遷不定凡近江土塘倘遇沙地坍塌盡水法頂衝當改爲首險工程猶臨江柴塘得能沙地漲開水勢緩衝當加潤後戩改爲次所難總在臨江險塘統計柴工要工程其理一也

一千二百六十丈坦水九百六十九丈天下無不敝

之物而况無日不受潮汐之衝激乎歲歲修造豈有

已時咸豐八年以後椿柴並缺不得已改建石塘一

百七十餘丈字號丈尺列后內惟余家埠勿多二號

富捐錢改建石塘二十一丈六尺可謂實獲我心矣尚有孫家渡聲堂等號擬

塘工紀畧卷二

建石塘百丈購料過半值時世大變採辦不齊建石塘必

先做坦水南塘坦水俱係硨石仲因孫家渡近年來

水法頂衝萬分危險特不吝重本全用條石正在購

椿運石採辦過半突見阻於意外之變今春勉強先

釘坦椿八十餘丈尙缺十餘丈未知何日鋪石完工

爲之慨然容侯續建明知事在萬難然此凡有水法緩衝

之處仲前培補後戩改爲土塘計長四百餘十丈此

塘堤向係柴工然水法更變勢已此外險工正復多

多難以息肩兼之坍塌漲無常險夷不定此塘工之所

以貴歲修也假仲餘年盡心力而爲之不敢稍懈經

十餘年墊數甚鉅值時世大變籌款至於事之成敗

倍艱然殫心竭力盡其在我者而已



則天也惟冀仰邀神佑得以永保無虞則餘上鄞慈  
等縣均有厚幸焉

同治元年歲次壬戌中秋後三日謹記



上虞塘工字號冊底

前江塘後郭王家壩添字號起至張家埠會稽上虞  
交界竟字號止柴土塘五千八百二十丈字號二百  
九十一個

又補豎碑號百官龍山腳綺字號起至後郭王家壩  
最字號六丈止柴土塘八百六丈字號四十一个

添字號柴塘二十丈地柴塘五丈  
土塘十五丈元土塘二十丈黃土塘十一丈  
柴塘九丈

字柴塘五丈  
土塘十五丈宙土塘二十丈日以下俱係土塘月

盈 辰 宿 列

塘工紀畧卷二

張 寒 來 暑

往 秋 收 冬

藏 閏 餘 成

歲 律 呂 調

陽 雲 騰 致

雨 露 結 爲

霜 金 生 麗

水 玉 出 崑

岡 劍 號 巨



關

珠

稱

夜

光

果

珍

李

奈

菜

重

芥

薑

海

鹹

河

淡

鱗

潛

羽

翔

龍

師

火

第

鳥

官

人

簧

始

制

文

字

乃

服

衣

裳

推

位

讓

國

有

虞

陶

唐

民

周

發

商

坐

朝

問

道

垂

拱

平

章

愛

育

黎

首

臣

伏

戎

羗

遐

邇

壺

體

率

賓

歸



王

鳴

鳳

在

竹

白

駒

食

場

化

被

草

木

賴

及

萬

方

蓋

此

身

髮

四

大

五

常

恭

惟

鞠

養

豈

敢

女

慕

貞

潔

男

塘工紀畧卷二

效

才

良

知

過

必

改

得

能

以上俱係土塘

莫

土塘十九丈柴塘一丈

忘

柴塘二十丈罔柴塘二十丈

談

柴塘二十丈彼柴塘二十丈短柴塘二十丈靡柴塘二十丈

恃

柴塘二十丈已柴塘二十丈長柴塘二十丈信

土塘七丈柴塘十三丈

使

柴塘二十丈可柴塘二十丈復柴塘二十丈器柴塘二十丈

欲

柴塘二十丈難柴塘二十丈量柴塘二十丈墨柴塘二十丈

悲

柴塘二十丈絲柴塘二十丈染柴塘二十丈詩柴塘二十丈

讚

柴塘二十丈羔柴塘二十丈羊柴塘二十丈景柴塘二十丈



行柴塘二十丈維柴塘二十丈賢柴塘二十丈克柴塘十一丈五丈  
土塘八丈五丈

念土塘二十丈作土塘二十丈勝土塘二十丈德土塘二十丈

建土塘十一丈  
柴塘九丈名柴塘二十丈立柴塘二十丈形柴塘二十丈

端柴塘二十丈表柴塘二十丈正柴塘二十丈谷柴塘二十丈

傳柴塘二十丈聲柴塘六丈堂土塘二十丈習柴塘十丈  
土塘十丈

聽土塘十三丈  
柴塘七丈因柴塘八丈  
土塘十二丈積土塘二十丈福土塘二十丈

緣土塘十五丈  
柴塘五丈善柴塘二十丈慶柴塘二十丈尺柴塘二十丈

璧柴塘二十丈非柴塘二十丈寶柴塘二十丈寸柴塘二十丈

陰柴塘二十丈是柴塘二十丈競柴塘二十丈資柴塘二十丈

塘工紀畧卷二 六

父柴塘二十丈事柴塘二十丈均柴塘三丈五尺  
土塘十六丈五尺曰土塘二十丈

嚴以下俱係土塘與敬孝

當竭力忠

則盡命臨

深履薄夙

興溫清似

蘭斯馨如

松之盛川

流不息淵



澄 取 映 容

止 若 思 言

辭 安 定 篤

初 誠 美 慎

終 宜 令 榮

業 所 基 藉

甚 無 竟土塘二十丈止以下接會稽塘

以上前江塘王家壩添字號起張家埠竟字號止柴土塘五千八百二十丈字號二百九十一個

塘工紀畧卷二 七

補監碑號

綺土塘二十丈迴土塘二十丈漢土塘二十丈惠土塘二十丈

說土塘二十丈感土塘二十丈武士塘二十丈丁土塘二十丈

俊土塘二十丈父柴塘二十丈密柴塘二十丈勿柴塘二十丈

多柴塘二十丈士柴塘二十丈實柴塘九丈土塘十一丈甯土塘二十丈

晉土塘二十丈楚土塘二十丈更土塘二十丈霸土塘二十丈

趙土塘二十丈魏土塘二十丈假土塘二十丈途土塘二十丈

踐土塘二十丈土土塘二十丈會土塘二十丈盟土塘二十丈

何土塘二十丈遵土塘二十丈約土塘二十丈法土塘二十丈



韓土塘二十丈煩土塘二十丈起土塘二十丈翦土塘二十丈

頗土塘二十丈牧土塘八丈用柴塘二十丈軍柴塘二十丈

最柴塘六丈止以下接王家壩添字號柴塘

以上補監碑號百官綺字號起後郭最字號止柴土塘八百六丈字號四十一个

統前江塘百官綺字號起張家埠竟字號止工長六千六百二十六丈字號三百三十二个計柴塘一千二百六十丈土塘五千三百六十六丈



上虞前江塘坦水字號丈尺

綺字號坦水十六丈 父 全坦 密 全坦 勿 全坦

多 全坦 士 全坦 牧 全坦 用 全坦

軍 全坦 最 全坦 添 全坦 地坦水五丈

忘 全坦 罔 全坦 談 全坦 彼 全坦

短坦水十八丈 拋石二丈 靡 全坦 恃 全坦 已 全坦

長 全坦 信 全坦 使 全坦 可 全坦

復 全坦 器 全坦 欲 全坦 難 全坦

量 全坦 墨 全坦 悲 全坦 絲 全坦

塘工紀畧卷二 充

染 全坦 詩坦水十八丈 拋石二丈 讚 全坦 羔 全坦

羊 全坦 景 全坦 行 全坦 維 全坦

賢 全坦 克坦水八丈 拋石三丈五尺 建坦水六尺 名 全坦

立 全坦 形 全坦 端 全坦 表 全坦

正 全坦 谷 全坦 傳 全坦 聲坦水七丈

盛 坦水十丈

右前江塘坦水統計九百六十九丈拋石七丈五尺



上虞前江塘臨江首險失修柴工新建石塘字號丈尺開列於左

趙村

信使二號新建石塘十五丈道光三十年冬季建造次年春季工竣

余家埠

勿多二號新建石塘二十一丈六尺咸豐九年冬季建造次年春季

工竣

雙墩頭

難量墨三號新建石塘三十丈三尺咸豐九年冬季建造年底工竣

塘工紀畧卷二

三

王家堰

讚羔羊三號新建石塘六十三丈咸豐九年冬季建造次年春季工竣

呂家埠

談彼短靡四號新建石塘六十三丈咸豐十年冬季建造次年春季

工竣

右新建石塘統計一百六十二丈九尺

前江塘今年新釘坦水樁字號丈尺開列於左

聲字號

坦樁十三丈

堂字號坦樁二十丈



堂字號坦樁二十丈

習字號坦樁二十丈

聽字號坦樁二十丈

因字號坦樁十二丈

右新釘坦水樁統計八十五丈

同治元年歲次壬戌八月下浣謹記



卷



上虞續塘工紀畧卷全

古虞連仲愚樂川氏

前江塘

仲撰塘工紀畧二卷成於同治元年仲秋先時粵匪竄越江浙深山窮谷之中擾亂殆徧崧下有俞泰者爲其所迫不能脫身因而羈縻之由是西鄉東連夏蓋湖西距瀝海所南盡曹江北至海方數十里雖經陷沒尙未蹂躪居民耕種如故而仲亦得勉強修理塘工且夫流寇滋擾患在一時而塘工成敗與否其

續塘工紀畧卷全

利害貽於無窮是以不避艱險於萬難之中釘立孫

家渡坦水椿八十餘丈

督工者爲從弟桂初素稔隄工商同辦理此番不避艱險

尤爲難得尙缺十餘丈料無購處工未完竣語在江塘紀

畧中是年孟冬克復上虞仲巡視工程後海塘雖間有侵損因漲沙遶濶尙可息肩最緊要者前江塘瀝海所一帶土塘因近年江水漸逼坍塌累累當卽雇夫培築刻不遲延誠以隄工一道先時防護猶恐疏虞若稍自偷安一遇春汛倏成巨浸噬臍無及是以竭蹶赴工雖多事之秋亦不敢因循怠荒良非得已



其明年江水安謐不過小有坍塌隨時修補並孫家渡未竣之工購椿釘齊近年來最爲平靜然而居安思危惴惴焉若臨深淵且年邁六旬遭遇寇難驚悸餘生實不堪重任每一念及終夕徬徨大懼獨力難支貽誤要工非細故也幸而吾鄉迭起有人港口村有邵培福者出自田間慨然相助其言曰咸豐元年以來未曾請帑興修若乏人經理則魚鱉久矣凡我塘內當思同舟共濟之義且其人已衰宜急助之爰邀鄉里得同志者二十六人從中羅三秀尤爲得力設立管

續塘工紀畧卷全

二

塘會以備緩急質之於仲仲因之有感焉慨自經手塘工迄今十五年矣凡逢山水旺漲衝激隄防之際急風暴雨相逼而來仲督率夫工東西馳驅不難露體塗足冒險阻以從事而自百官至張家埠工長六千餘百丈雖竭力堵禦終難免顧此失彼之虞當此之時大聲疾呼欲求將伯之助豈可得哉不圖今日於農夫野老之中得此鄉黨自好之人不避風雨備嘗艱苦憫仲衰頹匡仲不逮甚盛意也况乎創設義舉感動鄉里實繁有徒如指臂之相使此豈一朝一



父所能爾哉蓋素所樹立使然也仲嘉培福之高義  
厠賤名於諸君子之間號其會曰眾擎會誌緣起也  
而管塘所需工食油燭器械在在均須費用苟非置  
有恒產會其能久乎仲雖歷年經修塘隄筋力盡  
而事不可息先割田四十畝交司會者收管又吾鄉  
殷富及會中温飽之家集腋成裘助田四十畝其得  
田八十畝以應管塘急需雖不敷用不無小補云爾  
比會中名姓及一切捐錢助田支銷另立簿登記是  
歲同治三年也其明年春王家堰孫家渡東西花宮

續塘工紀畧卷全

一帶塘隄多有坍塌三年久旱秋冬無雨塘土曬鬆  
四年正月春雪彌漫二月久雨  
滂沱江塘綿長多有坍塌即託培福督工間段修整仍  
損此歲修之不可廢也  
仲墊款是年五月二十三日天大雨凡六次日江水

溢驟高一丈餘尺從來上虞隄工潰決必由山水旺

起海水繼則西南風猛烈水挾風勢東北風大作扇

沙壩官塘俱難保守歷古如此今歲上游並不發水

時值小汛亦無怒潮又無狂風浪之險奈江水滿

溢較道光三十年秋汛大水江面更高一尺六寸此

真非常之災異令人不可思議且三十年大水一經

兩岸塘隄潰決江水逐次就低此番大水南岸沙地

盡行沈陷山會兩縣官塘三日之內連決大缺口三  
處而曹江汜濫不止直至二十九日巳刻雨已將停  
最後衝決我虞後郭塘韓煩二號午刻江水退夫平  
風靜浪本非山水海潮互激何以江水驟漲至於此



極更奇者自二十四日起曹江中間一溜較之兩旁水面凸高二尺如是者五晝夜至二十九日後郭塘開缺不到數刻中間一溜較之兩旁水面驟凹二尺竊意山會蕭三縣地面廣濶南岸連日決塘水向南走自然坍塌何以江水應低而反溢且南岸沙地沈沒山會兩縣官塘節次開缺而曹江中間凸高二尺不踰時而曹江中間驟凹二尺又何其速也此歷歷親睹者浙江水 蕭山西江塘衝缺十餘處山會兩縣怪良不誣也

官塘衝缺三處我虞江塘雖歷年培修而此次水面極高凡低塌之處全賴臨時加築土埂抵禦大水最險患者呂家埠過必改得能莫六號塘外多係鹽廠大水各廠防護子塘不至進水此次江水極高衝決子塘直逼官塘而鹽竈貼近隄工塘土久經燒鬆且

續塘土紀畧卷全

塘內向有深河一經江水漫衍高過塘面鬆土步步瀉出塘身步步坍塌江水步步衝入仲經管十餘年未有見呂家埠及王家壩用軍最天四號向係臨江塘之難保者深潭兼之舊有漏洞塘底於二十五日塘竟沈陷由進水塘面坍塌卸險患極矣

外江衝入內河水勢奔激事已不可為矣邵培福率領眾擊會邀集近塘居民夾水堵築呂家埠塘如良

醫之救人於垂斃亡而復存即瀉二十四日起竭力抵禦至二十五日塘竟沈陷水高於塘二尺餘寸衝入內河水勢將橫居民驚惶已甚搬家不遑而培福身先夫工奮不顧命激勵眾人用炭包盛土夾水堵築雖塘土瀉出而土包有加無已直倚以為塘如是者歷五晝夜不息至二十九日江水退始得平靜○炭包係稻草編成價甚廉每隻十餘錢呂家埠過必



改等號塘土早被鹽竈燒鬆此次大水塘已坍卸全  
賴炭包盛土夾水堵築得以成功若僅知掘土加塘  
勢必隨加隨瀉何益之有自後  
管塘須先多備炭包此良法也  
並囑羅三秀率領多

人防護孫家渡賀家埠以西一帶塘隄  
西花宮毘連瀝海所一帶塘隄最為平善向來置之  
不顧嘉慶道光年間請  
帑歲修多在趙村塘左右

咸豐二年以後孫家渡水勢頂衝仲全力防堵十年  
並呂家埠趙村雙墩頭王家堰擇險要之處先後改  
建石塘一百七十餘丈而後郭至呂家埠咸豐七年  
創修臨江大壩遮蔽官塘三千二百丈事詳江塘紀  
畧中其餘又防守謹嚴於是水無可攻近年來竟攻  
逼賀家埠及東西花宮一帶塘隄此次大水尤為可  
危幸而防護人眾築埂抵禦不然開缺不可勝計矣  
○仲幼時塘隄低塌而江底不至甚淺是以節次開  
缺湖田被災於高田尚無害也數十年來江底日壅  
日高沙地日漲日濶其咎始於江甯人在上山盜種

續塘工紀畧卷全

五

苞米繼而仙居黃巖新昌嵎縣各縣居民輾轉效尤  
每逢狂雨沙水並流於是江底高而江路曲折禍極  
於道光三十年八月望汎水勢汎濫南岸山會蕭北  
岸餘上慈等縣俱成巨浸為從來未有之大災迄今  
又十六年矣江底愈高江流愈塞南岸三江等處對  
出北岸瀝海所對出為江海交接之所陰沙漲高水  
船難以進出以致此番大水較三十年八月間水面  
更高一尺六寸而東西花宮一帶塘隄向屬平順近  
年殊為險要甚至山陰之星宿閘不  
能宣洩積重難返流毒伊於胡底噫  
杜梅占邀集後

郭本村堵禦王家壩塘如信陵之救趙危而復安

之前仲早囑杜梅占臨時防護果遇大水自二十四  
日起水過塘面且向有漏洞塘身帶漏帶卸兼之內  
有深潭無土可取而梅占踴躍急公督率村民行權  
宜之計掘取墳土堵禦大水經歷五晝夜若效宋襄  
陳餘之仁義詎江塘綿長有防管不到之處二十九  
則塘不保矣



日已刻後郭韓煩二號潰決缺口三十六丈內外衝

成深潭徑六十餘丈韓煩二號地勢高阜不過舊有

準王家壩險塘可比夫江塘六千餘百丈險患之處

甚多此番節節保守幸免疏虞而韓煩二號並非緊

要反致開口良由管理不善變生意外此仲所以每

臨缺口而不勝浩歎也且自二十四日至二十九日

業已守過多日已刻決塘午刻江水退成敗祇爭片

時迺該處居民管理不善倉猝之間竟致巨患忍使

墳墓漂散不下百數田地淹沒不可勝計雖曰天災

亦人事不盡有以致之也悲夫○即如塘外沙塘向

來見水即圯咸豐七年創修臨江大塘綿亘三千六

百丈此次江水滿溢居民竭力堵禦竟不進水夫各

縣官塘多致開缺而臨江沙塘偏能保全可見變故

之來總恃人力為之彌補後之經手塘工者遇有大

水切勿諉為天災也○自後郭至呂家埠塘內土塘

三千二百丈幸而大塘不潰得以保衛不然前江葉

續塘上紀畧卷全

家埭施家堰等處官塘又塘底更深前江塘不知何

有盜決之患矣吁可畏也時建造自後郭

王家壩天字號起至張家埠會稽上虞交界竟字號

止工長五千八百二十丈歷古以來開缺多次內外

雖衝深潭而塘底有埂俗語所謂龍骨也自百官龍

山脚綺字號起至王家壩最字號止向係土埂故老

流傳乾隆三十年改建柴土塘八百六丈補豎碑號

四十一今韓煩二號缺口在補豎碑號之內仲見

塘底更深與別處不同頗為驚異細尋龍骨乃在江

岸離塘八九丈之遠所以韓煩開口塘底更深填潭

築缺尤難措手若夫後郭至張家埠塘隄綿長曲曲

彎彎總在龍骨之上相傳當時建塘由於神授非人

力所能為也夏蓋湖及北鄉俱被淹浸僅開一缺西鄉高

家埠王家壩兩處險塘不保則既遭逆匪滋擾又遭洪水氾濫餘上等縣豈復成世界哉農民翻種晚禾業已摒擋殆盡萬一重逢大水秋收無成一



誤豈堪再誤奈缺口未築秋汝伊邇事在至急欸無

可籌不勝焦灼仲友王渠源以上虞捐輸欸內有未

兩商量稟借興辦雖屬不敷得以措手旋稟知府李公壽榛借欸築塘

六月二十一日後郭缺口及王家壩埧塘並時興工

仲寢食工次商同辦理後郭缺口由邵培福督工築

復此次填潭築塘其難有二塘底無骨一也時交秋

令二也。工程七分之際正值七月望汛上游發

水衝激新塘仲邀集夏蓋湖農民一同管守幸早備

竹簾八十張新塘釘簾以抵風浪勉強獲濟若興工

遲三日則萬不能保全王家壩埧塘由杜梅占督工

險過思險令人心悸加修內臨深潭無土可取此番貼瀾經費支絀東挪

西移仍仲墊發於九月間告竣尙有王家堰賀家埠

東西花宮一帶塘隄經大水浸灌多日埧卸累累俟

交春令土有脂膏必須修整同治五年春季悉索敝

賦培修老塘五百餘丈甚矣憊猶幸臨江大塘此次

江水衍溢不至潰決俾塘內土塘三千二百丈得以

高枕無憂惟自咸豐七年創修大塘業經捍衛十載

茲復大遭衝嚙敝敗不堪不得不重加修理章三畏

舊董原手經理杜梅占為沙墻董事循照老章外坵沙地每

畝派三工裡坵沙地每畝派二工十一月間開工大家



人康健如初重到江口陪同知縣王修復大塘自創  
公嘉銓金山場李公夢庚祀神破土修復大塘自創  
壩沙地成熟十年此番重修宜其格外踴躍奈盡力  
者原屬不少從中造謠言者想取利者置若罔聞者  
種種舊習仍復不免為官塘之藩籬旬內正在完工  
人心不古良可悲也之際

同治五年歲次丙寅端陽前三日謹記



雜說

草之有益於塘者二曰細桿茅草千筋草賴草而蘆  
不與焉草之有損於塘者亦三曰蔓草俗名累  
累籐野苺  
香野茄樹所可惡者牛羊上塘專食益塘之草偏不  
食損塘之草且損塘之草日盛則益塘之草不出除  
惡務盡計惟每年春初將損塘之草連根芟刈庶益  
塘之草不種而自生此除暴安良之法也

塘邊樹木利少害多當其盛時枝葉遮蔽正幹抵水  
不可謂非利也及其衰時樹根枯爛塘隄漏洞往往  
坐此害更大耳惟楊柳有細根而無總根且其根浮  
而不深雖枯不害古人治水多植楊柳可謂深謀遠  
慮矣

柏樹有直根而無橫根種於塘下亦塘工之一助也  
樟樹雖離塘較遠而其根大而且野竟能穿過塘底  
我虞後郭塘多有漏洞因塘外沙地有大樟樹數本  
歷年甚久大根多穿塘底枯爛成洞同治四年霽汛  
韓煩二號決口咎正在此後之經手塘工者塘隄左  
右見有樟樹雖小必除爲虺弗摧爲蛇將若何



塘隄開口雖係大水衝倒其半實由於太陽曬倒蓋烈日久逼土無脂膏一經風潮見水卽圯歷次決塘多在大旱之後其明徵也且三伏炎暑塘土曬鬆有大風以吹之雷雨以感之能令塘身卑狹卑狹則難保矣惟滿隄栽種楊柳遇烈日遮陰遇大水分水之勢而其根又於塘無損法之盡美盡善者也

凡遇大水塘身欠高須築土埂一條濶三尺高則隨水之尺寸臨時抵禦不至進水最忌者近塘有潭不凡逢大水塘外一片汪洋管塘取土總在塘內畏塘外之潭而畏塘內之潭

續塘工紀畧卷全

若塘內有潭不特塘身孤危且無從取土卽不能管守大可畏也至於塘外有潭平時却慮其圯卸塘身及大水瀰漫之際不過受水之區不足畏也凡塘隄潰決必然先卸裡面

無論柴土石塘全藉後戩結實仲節次修塘填補空虛培植地勢創造塘臺俾塘隄有可倚靠語載江塘紀畧中夫平地尙憂其不足恃而况臨以深潭其爲險也豈待潰決之時而後知哉

凡塘隄浸滿大水裏面圯卸勢必潰決難以措手若被大水衝激以致外面圯卸急宜鼓勵塘夫用一披稻草一披土涉水搶築倉卒之際扶危定傾尙可爲



也

凡塘之有潭一由於隄工潰決內外衝成深潭再由

於堵築缺口兩面打樁全從塘內取土譬如缺口三

衝深之潭亦不過三十丈濶若專從塘內取土則潭

濶不下百餘十丈矣此大謬也。填潭築缺用土多

而工程實且衝深之潭可以收小若打樁築缺用土

少而工程虛且衝深之潭不能收小此一定之理也

○凡做缺口挑掘塘外沙土填築塘底反為結實且

塘外潮汐往來沙隨水走遇深陷之所自然壅積所

以塘外掘土成潭數年之間不難潭平沙滿至挑築

塘身兩邊須用田土中間串用沙土塘外取土不妨

就近塘內取土必得離塘十丈度潭三由於加修老

遠而隄工無礙此做缺口之要務也

塘於塘內貼塘取土凡加修老塘如博後戲原不能

越塘而取塘外之土又加高塘

身田土有脂膏勢不得不向塘內取土但塘夫貪近

貼塘取土以致塘愈修而潭愈多潭愈多而塘愈危

仲遇此等塘工必須於

十丈外取土正慮此也

續塘土紀畧卷全

十一

後戲單薄塘脚空虛塘雖高必危急宜加意培補劉

公書田有言做塘身不如做塘脚做塘面不如做塘

背誠哉是言也

塘內係田土塘外係沙土故修塘取土以塘內之土

為貴至臨江大塘則不然塘之內外俱屬沙土而外

沙有鹹潮不時灌浸土逢鹹則堅故築塘取土以塘

外之土為貴



凡做缺口填潭築塘無他謬巧祇有效愚公移山之  
法庶工程結實可垂永久若設法以求速效則弄巧  
成拙反失之矣

填潭築塘恐新塘傾側打樁三四道多者五道膽小  
故也其實祇須塘脚開濶工程結實不必打樁省事  
多矣

缺口做新塘必須做邊老塘貼濶博戩亦必須做邊  
做邊者土工分班或七八人或十餘人視挑路之遠  
近定人數之多寡每班內一人用鐵爬捺土於塘邊

一人持木板寸寸節節敲之謂之敲邊

木板或檀樹或鄰樹取木

之堅實者爲之

或做光邊或做草邊

每兩三披土間一披草其草連根帶土俾易於

生長謂之草邊不用草者謂之光邊

均須木板敲過俾塘邊結實而光

滑結實則不坍卸光滑則經大雨而土不流

凡做新塘大概挑土先挑中間而後挑兩邊精於工  
程者則挑兩邊起先做邊而後挑中間自始至終總  
是兩邊先高而中間隨之而高

塘夫有上下手之分掘土挑土者謂之下手下手祇  
求力大何地無之至鐵爬捺土木板敲邊却要鍊過



另有一種武藝謂之上手上手精於塘工熟能生巧非臨時可以猝辦武侯曰入陣圖成自今用兵度不覆敗矣廉頗一爲楚將無功曰吾思用趙人做塘必資上手卽此意也

新做柴工力量遠勝於石塘其故何也以石禦水難免水與石相激而水反高至柴塘以柔克剛分水之力殺水之勢海潮怒激見之而息山水狂奔見之而平惜乎椿朽薪爛不能久遠此其所短也咸豐八年以後改建石塘一百餘十丈取其久也凡遇極險之處惟柴塘足以當之此法不可失也

黃河係膏梁桿子築隄有一道員向在河上督工見我虞臨江險塘都用戩柴大不以爲然必要改用蘆頭不知蘆頭草也未及一年便爛戩柴係小本頭以之做塘鹹水常浸經數年而後爛且草爛過變灰灰和土則土鬆蘆頭築塘其害有不可勝言者木之汁其味酸土逢酸則堅趙村王家堰一帶向來多做柴工土性堅實與別處不同確有明徵以是知經手塘工不可不洞明物理也



塘隄無草風吹雨淋易於坍塌且無以抵禦大水此  
不留草之患其說一也塘草不許刈割則草必豐豐  
草之下藏匿野獸塘身有洞隱而不見平時不及防  
備暨乎江水浸灌從漏洞而釀成巨禍此畱草之患  
其說又一也二者聚訟不休仲以爲皆是也皆不能  
無弊者也今擬兩從其說塘隄外面畱草以抵大水  
塘隄裏面刈割塘草俾野獸無可藏身或者其兩全  
乎塘隄外面江風大值山水旺漲先受浸灌所以野  
獸打洞總在塘隄裏面今外面畱草而裏面不畱  
草真兩全  
之法也



三續上虞塘工紀畧卷全

古虞連仲愚樂川氏

歲修塘工并善後事宜

續塘工紀畧一卷撰於同治丙寅迄今又閱六年前江塘竝無潰決巨患後海潮汎平順石塘無恙卽咸豐七年創修臨江大牆保衛官塘已十餘年矣近因潮汐嚙而漸進化旺等坵半淪於江蓋水法之變相激使然無足怪也然大牆自後郭至呂家埠延亘三十餘里今水勢當衝之處沙牆淪沒不過以數里計

修築改建猶足爲官塘之藩籬總之六年之久山水海潮兩不爲災是固餘上鄞慈各縣之厚幸亦歲修工程必不容已也稽我虞境內前後塘工段綿長埧埝滲漏無歲無之先時彌縫或事後修補屈指計之不勝枚舉從中工費最大者莫如賀家埠新築柴塘蓋自咸豐初年孫家渡聲堂習聽因五號爲山水海潮互激之區當時岌岌難保後因防守謹嚴水無可攻迺移攻賀家埠以西塘隄而慶尺壁非四號尤爲頂衝沙地埧盡一綫危隄逼臨大江潮汐往來撼激



難當又山水旺漲之際一逢大汛海潮西上而山水  
遏之江水東下而狂潮阻之以致橫流逆折突過於  
塘而塘內有河河內煙居稠密取土維艱且限於塘  
底局促既不能貼濶卽不能加高若非建造柴工勢  
必衝決大口滔天之禍伊於胡底半生來辛苦艱難  
不幾前功盡棄乎明知近年夫工大貴椿柴竝缺實  
在力有未逮然事出萬不容已不得不勉措工本於  
同治五年冬購辦椿柴設法取土勉建柴工八十餘  
丈以分水勢而資捍衛迄今五閱秋汛雖塘身低埥

尙可支持然將來椿朽薪霉安能歷久而不敝且賀  
家埠段落在江塘中不過三十之一卽或歷年加意  
巡防不致疏虞而江塘六千餘百丈水勢衝激不在  
於此則在於彼將來刻不可緩之工豈無如上首之  
孫家渡今日之賀家埠者乎卽如仲經手以來親歷  
其境如百官之余家埠後郭之王家壩以及呂家埠  
趙村雙墩頭王家堰孫家渡賀家埠東西花宮何一  
非緊要之處其間雖改建石塘一百九十餘丈而臨  
江險工統計一千二百餘十丈之多以仲才力萬不



能盡建石塘則歲修工程豈有息肩之日加以水法  
遷移不定卽隄工險夷無常安知今日之次要不爲  
異日之首險孫家渡賀家埠明徵具在也道光年間孫家渡塘外尚有沙地至咸豐初年不特沙地坍塌且塘身半淪於江極爲險患又賀家埠以西一帶塘隄安謐多年今忽水勢移攻竟爲險塘蓋江流變遷激之使然後之經手塘工者自宜隨時修理切不可偷安也  
倘經理乏人或工費無措數百里民命將何所倚賴  
况後海沙地滄桑之變振古如茲卽如咸豐初年海  
潮逼臨石塘節節漏洞前次修理三年大費周章事  
詳海塘紀畧中然石塘尙在翻洞培土所需不過工

食猶可勉力爲之所可慮者自建造石塘歷百五十年業經沈埋大半過此以往百餘十年塘石盡陷未知能否從新建造異日者沙地淪沒海循故道直逼塘下潮汐往來洶涌之勢豈土塘所能抵禦萬一帑不能請巨款無籌驟遇海嘯颶風大作怪水滔天勢如雷激電奔志書所載康熙十八年餘上兩縣盡遭淹浸禍連及於慈谿前車可鑒也相傳自唐長慶以來夏蓋湖田三廢三陞蓋石塘建則湖淤爲田而餘上等縣無鹹潮之患石塘亡則田衝爲湖而餘上等



縣盡屬斥鹵矣此仲所以徘徊塘上而不勝杞人之

憂也後海石塘地勢高阜之處十二三層低窪之處

層次塘外止有四層蓋百塘十年已閣一面僅有五六

沈埋塘底挑居其大則全塘矣勢必資行沈沒

不。過。上。海。挑。地。漲。起。三。四。十。里。不。等。各。有。花。牙。種。植。衛

哉。○。後。海。距。塘。甚。遠。似。乎。石。塘。無。關。重。輕。惟。是。沙。地。植

木。棉。潮。水。距。塘。甚。遠。似。乎。石。塘。無。關。重。輕。惟。是。沙。地。植

閩。六。十。年。盡。淪。於。海。爾。時。水。勢。南。趨。直。逼。塘。下。一。日

兩。潮。迴。環。衝。激。旬。之。勢。非。石。塘。萬。不。足。以。資。抵。禦

此。皆。仲。歷。歷。親。睹。者。况。乎。意。外。之。變。在。所。不。免。海。豈。得

以。偷。安。目。前。而。不。為。之。深。謀。遠。慮。康。熙。十。八。年。廬。墓

颶。風。大。作。水。勢。滔。天。疾。若。雷。電。威。等。山。嶽。塘。內。廬。墓

田。疇。悉。成。巨。浸。餘。姚。慈。谿。兩。縣。俱。遭。淹。沒。此。由。於。前

明。所。造。石。塘。早。經。沈。沒。之。故。也。迨。至。康。熙。五。十。八。年

暨。正。三。年。東。西。兩。鄉。重。建。石。塘。先。後。告。成。自。此。塘

正。在。成。熟。忽。然。黑。雲。四。布。五。年。又。復。海。嘯。當。時。沙。地

不。可。逼。視。業。經。海。水。高。潑。塘。面。岌。乎。殆。哉。全。賴。石。塘

抵。禦。不。致。決。裂。由。此。言。之。石。塘。面。岌。乎。殆。哉。全。賴。石。塘

保。障。無。如。沙。積。石。沈。過。此。以。往。百。餘。年。重。固。一。方。之

若。置。之。不。顧。其。害。可。勝。言。若。未。辦。石。料。從。新。建。造

款。項。甚。鉅。後。之。經。手。者。恐。力。有。未。逮。萬。不。得。已。竊。有

三續塘工紀畧卷全

四

內居民高枕無憂道光十五年又復海嘯當時沙地

丈餘尺先將連枝交三號開後掘起塘者譬如從連一字

須用水沃做再號打過以結實為要所有抽起之相平

石先用連枝二號石塘留交字號為寬展之塘面不及

後取之土為連枝二號石塘留交字號為寬展之塘面不及

取塘外之土為連枝二號石塘留交字號為寬展之塘面不及

率遞掘遞造蟬聯而下此一採辦新石彌補其缺如



此做法經費較省再條石大有區別新探者相仿出於  
大陰山其性堅雖久沈沙土之堅實鳥門山石有  
與石劣者無地不堅一即好者亦未歷久不變至於  
有劣者無地不堅一即好者亦未歷久不變至於  
山石極不悠久斯已為下矣我波石塘帳蓋山相  
紹興石頭帳字號以東甯波石塘帳蓋山相  
集等號係本山中者全用成亂石其出者尚可  
用得沈於塘中者全用成亂石其出者尚可  
山脚共石塘三千二百四十丈其條石不齊  
柔不齊大約可抵一半用場蓋山四六丈號  
濟字號六丈俱係大尺止共石塘一四六丈號  
尺其條石俱係大尺止共石塘一四六丈號  
過工食而巳至填肚塊夏蓋山之西係本所費不  
因連字號起至楹字號止八丈咸豐四年閏七月  
翻洞其塊石俱碎不能再用又咸豐四年閏七月  
海潮衝通鼓石俱碎不能再用又咸豐四年閏七月  
後經補建其舊號號缺口亦復粉碎萬無必須從  
仲所親歷者將來建造石塘所需塊石必從新購

三續塘工紀畧卷全

五

辦至夏蓋山之東一帶石塘其填肚塊石想係上甯波  
石頭果爾仍復可用但未會深悉不敢指實以徵  
陳管見是所採惟冀裁定○南宋以前無所考徵  
元至正年間所建亂石塘至元末而亡明初所建  
元塘至明年間所建亂石塘至元末而亡明初所建  
石塘至明年間所建亂石塘至元末而亡明初所建  
埋大至明年間所建亂石塘至元末而亡明初所建  
保全一之民命仲實有深望焉○君子蓋山之西  
字號起墳字號止石塘三千二百四十丈康熙年  
大府奉命建於東華錄郡尊俞公卿有記勒  
石夏蓋山廟中此丈六尺較著者也夏蓋山之  
典字號起墳字號止石塘三千二百四十丈康熙年  
六丈六尺較著者也夏蓋山之  
艱苦之狀不可勝言而縣志所載甚屬疏畧餘音  
筆墨可考此我虞傳聞失實也尤可痛者公相  
韻相同塘內諸民嘗得其畧知侯公獨肩大不  
久矣仲博詢故老嘗得其畧知侯公獨肩大不  
於人而世亦無相助為之畧知侯公獨肩大不  
機而不悔然後澤及一方功垂後世嗚呼為民父母



專以民命爲重而不顧一己之利害雖古經史所載  
何以加茲侯致仕後隱居教授安乎故吾若無其事  
蓋不求人知固侯之雅量不可企及其苦心孤詣  
厚德洪恩奈何以訛傳之故幾致湮沒而名不彰  
自理前後塘觀侯所建石工低回數四憑弔欷歔不  
幽光竊有望於何從也特誌其崖畧於此至發潛德之  
世之采風者竊念仲一介書生無所建立緬維往

哲穆然神遠今老病交侵萬念俱灰惟此塘工管理

二十餘年苦無替人既不忍聽其廢棄而仲又萬不

能分身家大人年登上壽時年八十有九定省何敢暫離不

得不舉人以自代同治三年邵培福邀集鄉里設立

衆擎會爲管塘計也語詳續塘工紀畧中仲贊成其

事謂培福姑弗慮經費不敷卽如當年肩任塘工不  
難毀家以抒難而况管塘所需非從前大工可比既  
立是會必須置有恆產不然則善作者不必善成善  
始者不必善終及仲在日得能擴充田畝則將來爲  
管塘計卽可爲修塘計此仲之大願也故自興會以  
來薄具田產凡歷年修理及管塘費用悉仲籌墊竝  
不開銷會田租息以期繼長增高或者於善後事宜  
庶有濟乎茲已集腋成裘得田二百餘十畝恐年歲  
之不我與先行豎碑孫家渡碑立留耕山房之西耳房以垂久遠



凡捐助田畝銀錢名姓及字號畝分一一勒諸貞珉以永千秋蓋不敢沒諸公之善也其續置田畝即附於碑尾私心竊冀天假餘年衆擎產業得以層繁而上如爲山之不虧一簣則東接餘姚西距會稽一萬一千三百餘十丈之柴土石塘希圖永保無虞此亦事之或然者也特先時不敢預定耳更有萬不可缺者管塘之際人夫衆多沿塘一帶煙村殷繁竟乏空屋貫借停歇最爲苦事亦最爲恨事不得不興造房屋以爲駐足之所相地之宜因人之便惟孫家渡塘

內爲甚善以東有王家堰趙村呂家埠以西有賀家中於此興築房屋聚集人夫管理兩邊險塘最爲得宜且孫家渡爲水勢必爭之地乃全塘之咽喉尤宜建樓房以鎮江海仲管理二十年相地勢看水法擇此基地良非偶然早於同治五年購買基地蓄意已久而遲至於今者良由歷年修塘疲於奔命更無餘力兼顧也今老矣事不可緩時不再來於去年冬季購料興工新置別業一區藏列書籍家有藏書恐其褻瀆擬移藏於捍海樓種植花木以娛桑榆之晚景名其堂曰留耕山房平時爲仲書齋臨時則爲管塘寓所豈非一舉而兩得哉計造饗堂三楹每年霜降



日恭祀

潮神

會內人衆若擇日祀

神須先期知

不改革程

以肅觀瞻而昭誠敬潔之至也東西耳房

兩楹爲收藏器械什物及豎立碑石之所又樓房五楹顏其額曰捍海樓著其實也以仲年經七旬筋力已衰萬不能霑體塗足如從前之冒風雨而親督險工今於要害之處造此臨江樓房則危迫之際登高眺遠山水之大小潮汐之漲退江海塘隄皆在目中是誠管塘之一助也又廂房四楹設立廚竈竝管屋人居住凡一切人夫飲食歇宿處所事事安排停妥

爲誌其緣起如此落成於今四月十八日慨然謂會內人曰衆擎會成則後之管塘者不致枵腹留耕山房成則後之管塘者不致露宿是皆管塘之要務然此豈易言哉自接手隄工以來慘澹經營者二十餘年凡逢水勢湍悍四處告警仲孤立無助安得無顧此失彼之虞迺垂暮之秋得諸君子聲應氣求成此盛會仲始願不及此惟期始終如一過此以往指臂相使其所以濟緩急而顧全大局豈苟焉而已哉且咸豐年間孫家渡聲堂習聽因五號爲全塘中第一



患塘水勢直攻多歷年所仲竭盡心力多方堵禦不  
敢自必其保全初不料今日之落成於斯也前事具  
在足徵隄工一道必有愚公移山之志庶實心實事  
危可安險可夷功可翹足而待謹撰次歲修緣由并  
防後事宜編之右方俾覽者得以取去焉  
同治十年歲次辛未四月中澣謹記



捍海樓記

虞當巖壑之會臨溟渤之濱夏蓋以北實維海門雷  
輓濤怒厥地稱險焉其西南瀕曹江江出新岷諸山  
霖潦時降眾壑爭趨風潮逆流互激交匯奔盪訇壻  
冒隰彌原於形爲尤險先民有作堤之垸之江塘堙  
其前海塘障其後而水勢稍殺雍乾之世迭請內  
帑以時修築迨道光季年塘漸以潰漫溢田廬汨及  
鄰壤屬當軍興府藏支絀官民束手邑人連公仲愚  
徘徊塘上蹙然傷之謂江海兩隄數百萬生靈所託

記

命使無人設法堵禦任海水汜濫爲災是無桑梓也  
卽無餘上也從斯南北驅馳任勞任怨并率其從弟  
桂初冢子茹分道捍護以數千之款經理柴土石塘  
一萬一千三百丈有奇又值隄工坍塌決裂之餘議  
者咸爲公危卒之焦思竭力挽狂瀾於旣倒迄今樂  
土可安民歌舞之公躬親櫛沐者蓋二十年而公年  
亦旣耄矣迺謀久遠之計首置田百畝爲勸續助百  
畝鄉里慕義者爭附之並得田九十餘畝號眾擊會  
爲歲修資又憫徒輩風餐露宿遂度地庀材建樓於



塘之隘曰孫家渡以鎮之而題其額曰捍海凡爲堂  
三楹中祀潮神耳房二以庋器具廂九爲庖湏臬夫  
役寢食之所登斯樓也左海右江風雲百變潮汐之  
消長畚揭之勤惰厯厯在目暇則讀書其中蒔花觴  
客以爲別業經始於同治九年冬明年四月落成於  
虜公之捍水患也遠矣夫天下事固有志壹而用宏  
事半而功倍者彼庸庸者其能知乎哉公承父兄之  
詔勉督率氓愚任厥艱鉅蓋本其孝弟之誠發爲義  
舉而又不取輕糜 國用毀家紓難以抒其惓惓忠

記

二

愛之忱其惠周乎羣生其澤流之百世豈不偉與昔  
潛溪宋氏記古虞魏仲遠見山樓美其經營於兵後  
而推言子姓之象賢今公蒙難之餘搆造斯構利賴  
無窮固遠勝乎仲遠之遊觀者而公子若孫咸以文  
行有聞於時益欽公詒謀之善爲足與鄉賢後先輝  
映也琦學識譎陋立言不足以希潛溪而猶執筆記  
公之明德亦蘄後之治塘者一以公爲法則益廣公  
之惠於靡涯矣公之治塘具載遺箸上虞塘工紀畧  
中不備述其捐助名氏田畝備書碑陰以諭來者復



系以銘曰

在昔錢王築捍海塘灑沈澹災利及千霜翼然斯樓  
與古頡頏夏蓋斯控舜田斯穰緬惟連公澤被鄉邦  
靈風靈雨神魂迴翔江流載順海波不揚斲彼元石  
邦家之光

光緒三年歲次丁丑六月翰林院編脩陶方琦謹撰



書上虞塘工紀畧後

繼香省親開州數數渡舜江經古虞輒聞父老孺  
嘖嘖稱樂川連公不置詢之曰吾虞前江後海時息  
汜濫公經營二十年而兩隄始完固連阡比陌歲無  
不登微公吾其魚乎繼香聞而喟然曰嗟乎德澤之  
感人有如是哉今冬公仲嗣擷薌同研郵示公行述  
及塘工紀畧一書則益爲之感嘆景慕而不能已也  
公天性孝友博學能文有聲于庠讀書不屑屑章句  
通達世故有康濟天下之志會道光季年虞西江海

塘傾圯災罹三縣守令矧重公以塘工請公蒿目已  
久念先塋及親舍所在又數百萬生靈所託命遂慨  
然起而任之自是輸金貲鳩工材冒風雨犯寒暑雖  
當戎馬蒼黃而畚築不輟視王尊請身填隄殆有甚  
焉經始於道光三十年至同治十年告成計海塘四  
千七百六丈有奇江塘六千六百二十六丈砰然屹  
然堅若長城公之心力旣殫而公年亦已耄矣又憇  
弗善厥後迺倡捐田百畊立衆擎會旣建捍海樓爲  
守禦之所擇鄉里之賢者而代之復手撰是編繪圖



紀事詳載道里之長短潮汐之高下與夫興廢之利弊隄防之緩急俾後之人有所取法手障百川利賴千祀厥功偉已他如建邑學以崇文教脩上河壩以蓄田水置膏腴五百畝爲義田贍族之貧困泉鄉鄰之熒獨者具載敬睦堂條規中辛酉之難道阻糧絕設海運賑飢民全活無算其餘樂善好施雖罄竹難書而其汲汲然赴義若渴毀家紓難要亦與治塘工等夫人生不朽有三而科第不與焉公之功德父老婦孺能道之而是編洋洋數萬言又無愧立言之君

子區區科第云乎哉獨念公於一鄉一邑稍展經綸而被澤者已如其大且久設假之斧柯以體國經野其措施當又何如也顧公雖不遇於時而奠安海邦數百里內爭禱祠之所謂挺不朽之盛業非耶而詰嗣少初貢士擷薌茂才又克繼先志砥行大名文孫輩鼎峙鬢宮霞起雲蔚其食明德之報者正未有艾昔海甯陳宋叅教授籌畫海塘著有成書雍乾已來溯西百年無海患其後子孫簪纓接踵爲兩泐冠公之功德如此異日何遽不若則是編其卽左券也



夫

光緒紀元嘉平月下滌後學會稽王繼香子獻拜識

書塘工紀畧後

三



敬睦堂記

天下者一家之積也大道之行講信脩睦之推也中古堯舜之化自九族旣睦成周太平自孝友睦婣任卹蓋睦之義本尊祖敬宗之意以收族而後日之重社稷愛百姓胥由親親推也且夫不睦之故未有不  
自不敬始者記曰至敬無文父黨無容蓋人旣素習  
居又接楹連棟習則褻狎褻狎則簡慢甚至歲時伏  
臘斗酒言歡男女雜坐墜珥交舄不之禁因而薄物  
細故積爲釁端相傾相軋有較甚於途人者然則公

敬睦堂記

之以敬睦名堂其可謂知本焉已公上虞連氏字樂  
川平生防江捍海衆善畢舉其好施也有敬睦堂田  
五百畝以周寒族且命令嗣營前後堂於居右今嗣  
子少初兄弟悉遵遺教其前平房五分米散錢在其  
中旁置倉廩收族也恤鄰也以興養也後樓五樓上  
左右藏書下爲影堂啟後也奉先也以立教也旁又  
貯救火水龍等兩具禦災也捍患也蓋一舉而數善  
備焉而且稟遺命孝也能讀父書智也敬祖收族施  
及他族之貧者仁也當此諄耄勑操觚瓢之末流而



獨連氏父子之克繩厥美庶足以挽頽風諷薄俗云  
且夫親睦可間敬睦不可間昔三代明王之政必敬  
其妻子也有道惟以祖宗之心爲心則尊亦敬卑長  
亦敬幼而其本則自敬身始孔子曰不能敬其身是  
傷其親傷其親是傷其本登斯堂也亦先務乎其本  
焉可矣詩曰

歸新宮上湖渚光先德啟爾宇陳簡冊洎樽俎上賢  
聖中父祖沃千頃給二鬴俾作甘毋作苦解慍風護  
世雨貽我穀秩斯祐

敬睦堂記

二

光緒四年歲次戊寅清明後二日山陰沈寶森謹撰



敬睦堂條規

助米章程

一鰥寡孤獨窮而無告亟宜以春熟白米養之今定立章程凡我本族或住居上湖頭或散居四方每口按月予白米一斗五升於月之初一日付發一本村雜姓鰥寡孤獨與族中應有區別但住居上湖頭觸目驚心特與本族一律看待升斗數目同付發日期同

敬睦堂條規

一

每月予白米一斗付發日期同

一付發鄰村鰥寡孤獨以五十口爲限再多恐後難爲繼不敢不量力也

一幼年失怙誠可痛憫至成丁以後農工商賈何事不可以有爲今定立章程養至十五歲年底爲止不再付發以激其自行成立

助錢章程

一吾族貧戶中老幼婦女度日惟艱間有殘疾者尤爲可憫今定立章程薄有所助謹將各人名氏登



簿庶免臨時舛錯

一本族貧戶除壯丁外所有老幼婦女或不幸而殘疾者一年之間每口助錢貳千文分兩次付發以二月初一日十二月初一日爲期

一凡我連姓雖散居別村與住居上湖頭者一律付發以示親親之義不分遠近

一趙姓由瀝海所遷居上湖頭已歷四世其先人與吾祖宗有契義不敢異視其貧苦之家除壯丁外所有老幼婦女或不幸而殘疾者每年每口助錢

敬睦堂條規

二

貳千文亦分兩次付發爲期同

一張李兩姓向住上湖頭義屬老鄰其貧苦之家除壯丁外所有老幼婦女或不幸而殘疾者每年每口助錢一千文亦分兩次付發爲期同

一張李兩姓外尙有別姓遷居上湖頭雖非舊鄰然比屋而居守望相助應有周急之義其貧苦之家除壯丁外所有老幼婦女或不幸而殘疾者每年每口助錢六百文亦分兩次付發爲期同

借米章程



一吾族多係務農爲業凡農家者流最苦布種之時無處告貸今定立章程春季從敬睦堂借米秋季交還竝不收絲毫之息

一借米多寡之間不能一律亦視其人之勤惰種田之多寡酌量數目

一春季借米若干秋季還米短絀所有欠下之數明春借米之時先行扣落以昭畫一

一春季借去米石秋季全不交還待至歲底將戶頭開除以後不再借

敬睦堂條規

三

一春放秋收既無絲毫之息種田者誰不願多借惟敬睦堂所貯穀米尙未擴充祇有照上兩年所借之數借出望吾族中見原

一借米多寡係先時議定臨場不得爭多論寡侵擾經手人惟經手人務須一秉至公不徇私情庶可以協輿論而垂永久

同治十一年壬申正月上浣樂川連仲愚撰

時年六  
十有八

